

Randy Thiel presidente di SMAC: "Bienestar di musiconan a wordo tira afo"

Awe ta haya sa si por salba festival Caiso & Soca Monarch 2016



ORANJESTAD – Ayera nochi Smac a tene un conferencia di prensa, den cual nan a anuncia cu den un reunion cu Musica a pidi ayera tardi, Musica a informa Smac cu nan no por organisa festival

Caiso & Soca Monarch 2016. Segun Randy Thiel, presidente di Smac, e noticia aki a bin manera un baño di awa friu.

Smac ta di opinion cu pasobra Musica a warda te 12 dia prome cu e festival pa laga

bisa cu nan no ta organisa e festival, nan a tira e bienestar di musiconan afo. A pesar cu Smac a duna Musica e festival pa ni un cen, y cu tur ganashi cu genera di e festival lo tabata pa Musica, asina mes a dicidi di no organisa e festival. Segun Smac, e unico motibo cu Musica no a acepta pa organisa e festival, ta pasobra Smac no ta para responsabel pa niun contract ni debe cu Musica haci. Pero e motibo pa esaki cu Musica a uza, cu ta pa falta di sponsor. Awe mainta pa 11or, Smac lo tene un reunion cu lidernan di banda pa splica nan e situacion y evalua e interes pa organisa e festival ainda, si esey no ta e caso, e festival di Caiso & Soca Monarch 2016 lo wordo cancela.